

山之毓秀沮水之鍾靈耶考其纂始
於康熙癸酉已百有十五年矣遂起
續修之志而邑紳士素以耕讀兼事
歲屢不登未遑計此丙寅書大有卽
丁卯春集紳士共商此舉而紳士樂
從雖然創始固難而續修亦不易濫
則無以昭信畧則恒懼見遺昔日之
中部縣志

卷之一

二

所有今日無之昔日之所無今日有
之其間盈虛消長建置因革非書莫
辨卽如我

朝曠典折地減丁貢賦已免十之七八
至邑界之四至入到向未分畫詳明
民多藉訟不考核於今安知不混淆
於後况百餘年來有關氣節可繼前

徽者又安知不沒世而名不稱此志
之不易修又不可不修不得不修者
也前志成於堽麓麗乾五鄉先生今
柏香淡齋其裔也與坊南平原象山
諸君子矢公矢慎續而成之提綱十
分目四十彙輯一編付諸剞劂閱三
月而葺其事庶乎觀風問俗一邑之

利弊瞭如指掌矣是爲序

嘉慶丁卯秋知中部縣事梁溪默甫
氏丁瀚書

重修中部縣志序

甲子秋余膺

簡命秉鐸中部兩越月無錫默甫丁君來知縣事才敏而瞻勵精以勤甫二年政通人和百廢俱興遂有邑乘之舉夫邑乘之重於天下也尙矣自秦并六國列郡縣古侯國編年紀月比事屬詞之史亡厥後或分州或分道或分省建制不一而守土者各志其封內之山川道里沿革損益以傳諸永久下至彈丸小邑亦不廢蓋猶有古史之遺意焉我

中部縣志

卷之一 序

四

朝

聖祖仁皇帝御極之二十三年特

命儒臣纂修國史爰及郡縣各編志書以廣

彤廷博採而中邑之志於是乎成所稱三卷二十五條者前先達詳哉言之矣第百餘年來縣自延安隸鄜州鄉鎮之廢興人民之節義有待於闡發者不少緒修之舉又烏容已顧古之論作史者有三難曰才曰識曰學說者謂三者缺一不可而余於三者之中欲總之以一曰公蓋一邑之形勝因革山川疆域彰彰

耳目者自不容掩而鄉曲之間所謂宦達隱德義夫
節婦皆隱隱於口吻間使有一之不公或稍叅以臆
見則其人之實行不著卽與古史之據事直書者異
矣是役也秉筆者邑紳士歲貢生坊南張君栢香劉
君橋山郭君平原李君選拔貢生澹齋牛君採訪者
廩生張君炳生員劉君文煥而董其成者則丁明府
也雖其才其識其學未敢與古作者比列而去取惟
公竊願諸君子共矢焉

肯

中部縣志

卷之一 序

五

嘉慶十二年歲次丁卯仲夏

甲寅 恩科舉人借補中部縣訓導朝坂趙映奎撰

中部縣志舊序

王者治定功成而禮樂作文章興焉所以昭一代之典型明百王之大法我

朝誕膺天命薄海內外罔不臣服垂五十年矣文教覃敷武功赫濯其制作之明備直越三代而繼唐虞乃命大臣纂修國史爰及郡縣分編志書上以顯承

烈祖下以博采風謠大小臣工咸祇承惟謹惟是延安邊郡也而中部在延屬尤稱最爾土瘠民貧所從來矣余承乏郡守得李令任中部且七年多輔余所不逮

中部縣志

卷之一 序

六

民賦樂輸案無畱牘乃延者宿編修縣志手自裁定凡六卷余披覽終篇閱山川疆域而知地狹土磽商賈弗通食貨維艱也閱貢賦版籍而知兵荒薦仍戶口消耗差役繁重也閱兵防而知阻險扼塞闕水利而知沙崩岸陡閱鹽法驛政而知商病遠販官苦課程驛費裁而馬多折損夫價減而役無完膚也瞻覽名勝顧橋山

軒轅帝陵在焉風氣攸萃忠臣孝子義士節婦汗漫青史且文人墨客遊覽題咏遑遑多鴻章麗詞及鄉塾祭

酒縉紳先達亦復秉正守禮彬彬乎文獻之邦也余
方欲於觀風問俗之餘進多士父老造膝咨詢竭一
得之愚用副

各憲仰體

皇上加意秦民之至意借以察訪民隱興除利弊得茲編
也清戶口以除包賠惠鹽商以汰新增荒山峻嶺穴
處巢居之民不啻就

聖主而言情也異日進呈

膚覽不且大有利賴中部哉文旣大雅事亦該博述古酌
今宣教達情可以副

中部縣志

卷之一 序

七

上旨備史乘有裨一代之典制矣是爲序

中憲大夫知陝西延安府正堂加三級蘭陵張偉寄
庵氏題

中部縣志舊序

一代之興必有一代之紀載漢高入關蕭何收圖籍
因知四方疆弱盈虛之實丙吉使東曹考案邊郡兵
食之有無故能指揮形勝不出戶庭瞭若指掌者圖
籍之功也蓋居今而知昔援古以証今利弊興革數
十百年之事非書不辨我

皇上卽位以來戡亂定治興禮樂敷教化巍巍蕩蕩登三
邁五荷與隆已乃

詔修一統志併及郡縣志蓋將采風問俗緝成一代之大
中部縣志

卷之一 序

八

典也余承乏中部今七年矣諸務就理上下和樂乃
延鄉先生纂修邑志以副

上旨且以博觀古昔人物之偉傑孝子忠臣義士節婦之
振綱植紀砥瀾迴流以及山川形勝之大建置因革
之變余固不敢以鄙陋無文自謝於鄉先生鄉先生
亦不以余之不敏時勤事於博稽廣咨自康熙癸酉
迄乙亥越三年而書始就顧熟諳典故多識舊事實
申錯綜則壘篋先生實成一家之言焉崇揚善類嘉
尚節廉一善必錄微美亦顯事有關於氣節者不啻

三致意矣夫中部小邑也在唐宋則三輔大州節度
刺史之所臨莅崔郭政績楊劉清德史傳所載百世
猶新也乃叅以二十一史準以雍大記徵以雍書咨
以父老先民其間載事旣該褒貶亦正旣以續舊志
於兵火焚劫代易事殊之後而余亦借是以事神治
民崇德尙賢知賦役之增減明風俗之變易也惟是
發揚潛德表正風化請減戶口深維鹽法今蓋竊有
志焉而愧未逮也恭逢

聖天子西眷方殷大臣百執事體察民瘼覩斯編也中部

中部縣志

卷之一 序

九

利弊灼然若目見而身歷之矣庶或有造於茲邑云
爾謹序

文林郎知中部縣事白下李暄蒼山書

中部縣志舊序

夫以天下名區獨讓西秦第一關中要地惟推延郡
無雙鼎峙列三州不及坊州之秀麗疆分十六邑無
如部邑之風華一望橋山岡巒聳翠疊怪石蔭蒼松
峭逼雲霄彷彿乎華恒嵩泰載瞻沮水波浪沖融泛
鳧鷗叢荇藻迴瀾日映依稀乎瀆海淮湘磊落孤城
抱碧流而環遶巍煥縣宇迎瑤島以崑崙傍曉霧蒙
蒙縹緲龍灣澤畔當春烟漠漠纏綿鳳嶺峯頭南谷
黃花開放金錢鋪滿地北橋淨雪推殘玉屑遠歸天

中部縣志

卷之一 序

十

水來楊子江心湧作飛泉滾滾月掛皇陵山半照臨
蟾影輝輝允爲世上之奇觀真是人間之妙景勝槩
動軒轅駕御輦而遨遊翟道仙聲聞漢武慕金莖而
祈築雲臺攀龍髯以昇騰直上清虛之府向長空而
拜禱仰希閔苑之丹迄今鶴馭已狝只見青霞籠玉
塚憶昔羽翁難邁徒畱古蹟在岑林是以川嶽鍾靈
皇風毓秀上從太古遞及熙清歷代人文蔚起屢朝
科第雲初卽小吏農夫間有純良足錄鄉媛野婦無
非節烈堪垂縣誌昭然班班可考惜遇頻經兵火煨

作灰塵幸逢邑宰李公廉明清慎菁莪棫樸不殊西
伯之作人蔽芾甘棠可比召公之雅化百爲盡善庶
績咸康政事之餘慨然興感嘆記書之缺畧嗟方冊
之遺忘爰捐俸以資工乃修文而刊板詳明圖域表
著懿行誠百代之鼎銘千秋之青史也余才慚作賦
心慕章程聊寫里言附之卷末宣揚盛事云爾

賜進士第原任諸暨縣知縣邑人牛光斗撰

中部縣志舊序

邑有志倣古制也古之爲國者各有史官記事雖王朝列國之史皆謂之志周禮小史外史掌邦國四方之志如晉乘楚檮杌魯春秋之屬史也卽志也迨漢至班固易八書爲十志而禮樂律歷天官封禪河渠平準條分縷晰燎如列眉斯又史之變聲而志之法乘也嗣是代各有史地各有志百世而下以時修集備一方之文獻以故分野疆域官民財用人物山川上下古今不下堂而靡弗周知部邑雖僻壤彈丸黃

中部縣志

卷之一

序

十二

帝陵寢所在橋山頂峙沮水腰環秦中一名勝區也古之有志與否皆不可考故明正隆間劉鄜南橋麓昆仲兩先生先後纂輯迄今二百餘年殘闕於兵火之餘余老舅堯笈公爲先生之曾孫雖恪守家乘亦僅存什一於千百部志之不可問也可勝悼哉我皇清定鼎五十年海隅向化九有式廓共球之盛疆域之廣亘古未有今

天子御極之二十三年下詔修一統志令郡縣有司咸得輯志彙進按圖索籍博採遺聞增修故事裒集成書

以昭車書之盛俾天下古今靡不囊括而整齊之豈非其盛事哉是志之不可不亟爲修也然而正難其人難其事也操觚之子隳括爲工鞅掌之吏簿書是重且事曠代更則父老之傳聞無多時逾滄桑則典籍之散佚不少地係桑梓則褒美或失之濫人非土著則見聞未必其確有一於此烏乎其爲志甚矣作志之難其人難其事也邑侯 蒼山李公以班馬之才敷龔黃之政莅任數載百廢俱興尤於文墨一道深加意焉一日集邑之紳士爲修志之謀璫篋公出

中部縣志

卷之一 序

三

家藏殘帙並博採關中通志首董其事麗乾牛公馥亭蘭公余弟六嗣皆叅訂彙集余亦得濫竿纂修之末竊惟今邑令古諸侯也邑無大小咸得以百里侯稱侯之政事本諸文學修志之舉謂非致治之端乎覩疆域建置之廣狹而發政施仁民是以可樂瞻山川風土之攸宜而耕鑿無擾民是以可利景名宦循良之芳軌而去其煩苛民是以可安察賦役戶口之多寡而取用有度民是以可富觀忠臣孝子義士節婦之懿行而挽其頽風作其廉恥民是以可淳鑒選

舉人物之褒崇而詩書絃誦興行率俗民是以可勸
覽古蹟祠廟之興廢而思敬思哀民是以可與春秋
鄭子產以惠頌於國人於辭命特推潤色 蒼山公
之功詎出僑也下哉是役也上以副

聖天子一道同風之治下以垂千百世憲章不刊之典是
誠曠代之史豈一邑之志已哉

賜進士第四川鄞都縣知縣邑人張鳳翹撰

中部縣志舊序

明府李公蒼山先生修輯中部志成索紳弁言余再拜而爲之叙曰志者史之一體而縣志則郡國之權輿也先儒有三史莫尙於志蓋將求諸制作之林非徒以文詞爲工也聞之宋太平中作寰宇記考証頗詳惜其書不傳然人文之日當時固謙讓不遑也故明李文達竭生平之力爲一統志而所載方輿多與舊史不合故論者謂讀通志不若讀郡志讀郡志不若讀縣志君子以爲知言中部志闕有年矣故明正

中部縣志

卷之一 序

十五

隆間邑人鄜南橋麓兩劉先生纂修成帙後以鼎湖之變屢經兵燹斷簡殘篇無所信從今值

聖天子考文徵獻之時復得公起而修之公江南俊傑甫仕楚雄善政不可枚舉再仕吾邑吾邑他人目之爲衝疲事事棘手公內無賓史鳴琴坐理取辦俄頃嘗恢恢其有餘地而賢士大夫日相往來懸魚種菊飲酒賦詩遠近傳誦紵衣縞帶有春秋卿尹之遺風居嘗慨然曰夫子說夏禮而傷杞不足徵學殷禮則曰有宋存焉未幾杞降而稱子而宋猶得以上公周旋

盟會之列歷二百四十年不改然則邑之有志文獻之存亡係之不綦重哉於是招集羣賢講求故實堯箴劉先生乃鄜南橋麓之嫡裔曾孫也因爲之執牛耳與麗乾牛馥亭蘭諸先生共襄厥事余與家兄九苞亦濫竽其側公裁定之以庀其成其始也搜書按籍爰備採擇復旁稽輿論探索真僞故其言無虛僻哀然爲一邑信史况公治部五載防固封疆遍覽山川之勝勸興農務時清欺隱之田惟正有供何以昔費而今簡輶軒載道何以昔勞而今逸以及民風之

若何砥飭人才之若何噓培文教之若何釐正凡志之所載者公一一見諸施行又豈若操觚家止矜文詞博雅云爾哉且也當日鄜南橋麓修志時出於重熙累洽之際又乘其里居暇日爲之公志乃自簿書期會間與三五縉紳草創焉討論焉修飾而潤色焉不日成之增益而不失之華率直而不失之肆視延郡志陝西通志善有加矣余之學疎仕拙遠愧諸先生尤遠媿公庶幾附公以傳不朽公在部多異政行將

璽書特擢入居要津更以部民疾苦之事旦夕入告志又
其權輿也夫

康熙壬申冬十一月長至日

賜進士第四川大竹縣知縣邑人張鳳翀謨

中部縣志舊序

邑有賢侯其嘉惠爲無窮焉扶衰起敝與爲優恤一時之政也而百世蒙其休修文徵獻用昭法戒百世之政也而一時集其成邑志之有關於致治也不綦隆哉

明府蒼山李公江南偉第名世僊才莅治我中部甫下車卽周咨民間疾苦勒石永革其善政多端無容再贅諸所修復廢缺亦槩難枚舉七載以來政是以通人是以和矣鳴琴之暇時與二三紳士杯酒相延

中部縣志

卷之一 序

十六

講求今古殷殷於滄桑之餘邑志湮沒不存是念也迺慨然曰中部雖偏小邑於橋陵之麓山環水滌雅稱名勝向來文風丕著人才蔚興獨奈何無志方今聖天子在上考徵文獻詔直省郡邑輯志彙進以成統一信史中邑亦不可無志修明之任縉紳先生與有責焉諸君子僉曰明正隆間劉鄜南橋麓兩先生所纂邑志災於寇氛什一千百久矣不可復問堽篋公先生苗裔得無有僅存者乎於是堽篋出其家乘博採雍志郡志序入近今見聞實錄首先釐訂加以張公